

山觀察。暨居停知寧遠縣事李敏齊太守。道署讞局馬石珊

刺史。均以詩贈。烈因不揣濫竽。勉成七律二章。非敢言詩。誌

意云爾。錄乞南州少佐大人雅鑒。

楚南資水高烈

十年幕跡客龍沙。霖雨初心眼界賒。羌笛雄關動揚柳。海天鵬翮振雲霞。

梯航共濟舟車利。製造新增宇宙華。何日克償游歷志。扶桑樹繫遠人楂。

烈有游歷貴國之志。至今未果。扶桑毓秀極東球。君具雄才事壯游。溫帶地聯同種誼。中日地居溫帶。

同屬黃種。揚帆水幸際中流。中日壤地相接。僅隔一海。琳琅詩句携千卷。文字山川助九州。請

看金鼇背上客。日邊歸去答恩庥。

南州少佐先生游歷悅槃。一見如故。言論丰采。靄然可親。勉

成七律一章。七絕二首。錄呈吟壇。即希斧政。

新疆候補知縣直隸宛平馬國瓊

欣逢碩彥到天涯。萬里遙乘博望楂。詩畫風流殊自賞。山川月且總無差。

將才不媿真名士。偉論如聆古大家。幸識荊州方恨晚。送行一路有榴花。

扶桑日出大瀛東。文物衣冠萬國同。今日欣逢天外使。聲名洋溢遍寰中。